


Vestphalam à Vesta dea sic dictam arbitrantur: namque nonnullis Germanorum cultam fuisse quidam asseuerant: VVestphalos ergo quasi Vestalios dictos esse. Malunt tamen alij à vento Occidentali, qui enim ultra Visurgim flu. Orientalem plagam occupant, Ostuali Saxones cognominantur, ab Oost vento Orientali, & Valen, quod Saxonibus sua lingua pullum equinum significat: hunc enim in militaribus Signis habuerunt. atas id nominis aboleuit in Orientalibus, & generalis illa Saxoniz appellatio permansit. Sic VVestphali qui citra Visurgim versus Occasum habitant, ab VVest Occiduo vento nuncupantur. Volunt autem nonnulli à Veldt (id est campo) potius quàm Valen dici VVestphalos. Aiunt enim agrum Visurgi Rhenoque flu. interceptum VVestuel, cultores autem eius VVestuedingos appellari. Saxonu olim gens, quæ cum ob sui vastitatem varioſque cultores in plures prouincias scinderetur, huic ob dictas iam causas id nominis contigit. Horum sedes Dulgibinos olim tenuisse conijciunt. Hinc Bructeros qui à Charmanis Angriuarijsque eiectione, hinc secedentes in Sarmatiam concessere, & ad Balcheum mare domitis aut expulſis Vlmigeris confedere; Hodierni cultores robusti, procerique corporis, animi magni, bellicosi & ingeniosi deprehenduntur: vt prouerbio dici soleat VVestphalis plures astutos, subdolos, versipellesque, quàm stultos gigni. Regio est ampla, spaciola & capax, compluribus distincta dominijs. Ducatus continuit olim VVestphaliensem, VVesaliensem & Angriensem Angriuariorum vestigium. huius sibi principatum Colonienſis Antistes vendicat, Saxonumque principes Angriæ se duces esse dicunt. Monasterienſis autem Angriensisque tractus incolæ Colonienſium Episcopo parent, ipsiusque nobilibus, quorum ferè mancipia sunt, ac iugum durissimum sufferunt. Resident autem in vniuersa VVestphalia Episcopi quatuor: Bremensis nimirum, ad Visurgim in ora iuxta Saxoniam. Myndensis ad eundem amnem versus Thuringiam. Padebornensis (Teuterium Ptolemæo) ad Lupiam in Hassiæ confinibus. Monasterienſis in mediterraneis ad Amefim flu. Hæc autem prouincia Saxonum olim portio fuerat. Verum cum eius incolæ vnâ cum Longobardis Italiam inuasissent, ac tandem in patriam sedesque suas reuersi essent, Westwalen (vt quibusdam placet) dici cœperunt, ac in umbilico suæ regionis urbem ædificantes, eâ Mediolanum vocarunt, vocabulo mutato ab Italiæ Mediolano. Asseuerant tamen quidam oppidum ibidem extructum aliquando Mymingrodt vocatum, quo loco Carolus Magnus Episcopatum constituit, ac deinceps monasterium ædificatum est, à quo vrbs nomen deinde mutata est suo amisso. Comitatus, nobiliumque sedes penè infinitæ, quarum præcipuæ numerantur à Septentrionis parte initio sumpto Bufactorum maiorum sedes Oldenburgenſis Comitatus ad Hontam flu. Hinc versus Ortum sequuntur ad eundem amnem & lacum Dum & Diepholtenſis, Ridborgenſis, Rauenspergenſis, Lupienſis, Schouvenburgenſis in Angriensi Ducatu. in Meridie habet Comitatum Marchienſem Bructerorum antiquas sedes & Recklinchufen dioecesin. In Occid. habet Bentheimenſem comit. Bufactorum minorum locum: ac in meditullio Teckelnburgenſem comit. Osnabrugensem Canoniatum iuxta Has flu. ac ibidem Lingense territorium. Regio pluribus urbibus exornata. ager ipse pecorum pascuis quàm aruis latior. Salis ac metallorum minæris minimè destituitur regio. Pecuariz enixè student, vnde & domesticorum animalium numerosissimos greges alunt: ferarum etiam affatim habent per Syluaru sufficientiâ: cuiusmodi sunt. dat Hensterholt & die Auert & Holtmarck: item Teutoburgenſis Saltus ad Lupiz ortum. Montes collesque plurimi vt Baenberg & alij. fluminibus paludibusque multis irrigua. Visurgi, Amesi, Glaz, Berckel, quorum fontes plerique hic reperiuntur. Vidrus autem, vulgò die Vecht ex Hassicis montibus (Abnobæos Ptolemæus vocat) ortus, recto cursu per VVestphalos ductus, in Frisiorum confinibus mari Australi miscetur. Vifaris itidè (die Wester) ex Meliboco Hassiæ monte ortus, cuius caput & fons VVerra dicitur, ac deinceps Bremensem urbem petens, tandem Oceanum Germanicum ingreditur. Hanc regionem ab Ortu Saxonia claudit: ab Occidente autem Rheno flu. à Septentrione Frisia, Hollandia, Ultraiectenſi ac Trans-Iffulano tractu, à Meridie Hassiæ montibus excipitur.



WESTPHALIAE TOTIVS DESCRIPTIO
Sebastiano Scherero Sansbecano descriptore.
Firmus Joannis Bachsmacheri.

Scala
 100000
 200000
 300000
 400000
 500000
 600000
 700000
 800000
 900000
 1000000
 1100000
 1200000
 1300000
 1400000
 1500000
 1600000
 1700000
 1800000
 1900000
 2000000
 2100000
 2200000
 2300000
 2400000
 2500000
 2600000
 2700000
 2800000
 2900000
 3000000

Frisia Occidentalis pars

Twen die Occidens

Diocesis

Colonic pars

Marchie Comitatus

Mendic

Septentrionalis pars

